



Deddf Gwasanaethau Cymdeithasol a Llesiant (Cymru) 2014

2014 dccc 4

RHAN 7

DIOGELU

Bwrdd Diogelu Annibynnol Cenedlaethol

132 Y Bwrdd Diogelu Annibynnol Cenedlaethol

- (1) Bydd bwrdd o'r enw'r Bwrdd Diogelu Annibynnol Cenedlaethol (y cyfeirir ato yn y Rhan hon fel "y Bwrdd Cenedlaethol").
- (2) Dyletswyddau'r Bwrdd Cenedlaethol yw—
 - (a) rhoi cymorth a chyngor i Fyrddau Diogelu gyda golwg ar sicrhau eu bod yn effeithiol,
 - (b) cyflwyno adroddiadau am ddigonolrwydd ac effeithiolrwydd trefniadau i ddiogelu plant ac oedolion yng Nghymru, ac
 - (c) gwneud argymhellion i Weinidogion Cymru ynghylch sut y gellid gwella'r trefniadau hynny.
- (3) O ran y Bwrdd Cenedlaethol—
 - (a) rhaid iddo gyflwyno adroddiad blynyddol i Weinidogion Cymru,
 - (b) rhaid iddo gyflwyno unrhyw adroddiadau eraill i Weinidogion Cymru y byddant yn eu mynnu, ac
 - (c) caiff gyflwyno unrhyw adroddiadau eraill y gwêl yn dda.

133 Rheoliadau am y Bwrdd Cenedlaethol

- (1) Caiff rheoliadau wneud darpariaeth bellach am y Bwrdd Cenedlaethol.
- (2) Caiff rheoliadau o dan yr adran hon ddarparu, er enghraifft, ar gyfer y canlynol—

Statws This is the original version (as it was originally enacted).

- (a) cyfansoddiad ac aelodaeth y Bwrdd Cenedlaethol (gan gynnwys darpariaeth ynghylch telerau penodi, anghymhwysu, ymddiswyddo, atal neu symud aelodau o'u swydd);
 - (b) y tâl a'r lwfansau sydd i'w talu i aelodau;
 - (c) trafodion y Bwrdd Cenedlaethol;
 - (d) bod y Bwrdd Cenedlaethol yn ymgynghori â'r rhai y gallai trefniadau i ddiogelu oedolion a phlant yng Nghymru effeithio arnynt;
 - (e) ffurf, cynnwys ac amseriad adroddiadau'r Bwrdd Cenedlaethol;
 - (f) cyhoeddi adroddiadau'r Bwrdd Cenedlaethol.
- (3) Ni chaiff rheoliadau o dan yr adran hon ddarparu i Weinidog y Goron fod yn aelod o'r Bwrdd Cenedlaethol.